

Monforte de Lemos, 20 de decembro de 2023.- O Alcalde, P.D Decreto de data 21.06.2023, A primeira Tenente de Alcalde, Gloria María Prada Rodríguez.

R. 4007

## OUROL

### Anuncio

#### EXPOSICIÓN AO PÚBLICO

Por Decreto de Alcaldía número 380/2023, de 1 de decembro de 2023, prestouse aprobación inicial ao **Padrón fiscal do SERVIZO DE AXUDA NO FOGAR correspondente ao mes de NOVEMBRO de 2023 a través da Lei de Dependencia e Programa Básico de Axuda no Fogar** polo importe de catro mil cento trinta euros con sesenta e cinco céntimos (4.130,65 €), correspondendo mil oitocentos oito euros con trinta e cinco céntimos, (1.808,35 €) a dependencia e dous mil trescentos vinte e dous euros con trinta céntimos (2.322,30 €) a libre concorrencia.

Consonte ao disposto no artigo 102.3 da Lei xeral tributaria, por medio do presente ponse en coñecemento dos contribuíntes obrigados ao pagamento do prezo público, que dispoñen dun prazo de **15 días**, contados a partir da publicación do presente anuncio no Boletín Oficial da Provincia de Lugo, ao obxecto de que poida ser examinado e presentar as reclamacións que estimen pertinentes, entendéndose elevado a definitivo se, transcorrido o prazo de exposición pública, non se formulara ningunha reclamación.

Así mesmo, e de conformidade con artigo 223.1 da Lei xeral tributaria, poderán interpoñer recurso de reposición perante o Sr. Alcalde-Presidente, no prazo **dun mes**, que comezará a contar dende o día seguinte ao do remate do período voluntario de pagamento.

Contra a resolución expresa ou presunta do recurso de reposición que no seu caso se formule, poderá interpoñerse recurso contencioso-administrativo na forma e nos prazos que a tal efecto se establecen na Lei Reguladora da referida xurisdición.

Non obstante, poderán interpoñer calquera outro recurso que consideren oportuno.

#### ANUNCIO DE COBRANZA

Para o cobramento do mesmo, os contribuíntes que teñan domiciliados os recibos, estes seranlles cargados nas contas bancarias respectivas. Para os demais contribuíntes os recibos poranse á súa disposición nas oficinas municipais para efectuar o pago.

A presente publicación, nos dous supostos, de edicto de exposición ao público do padrón e anuncio de cobranza en fase voluntaria, ten o carácter de notificación colectiva, ao abeiro do establecido no artigo 102 da referida Lei xeral tributaria.

Ourol, 1 de decembro de 2023.- O Alcalde – Presidente, José Luis Pajón Camba.

R. 4008

## PARADELA

### Anuncio

#### APROBACIÓN DEFINITIVA MODIFICACIÓN ORDENANZA FISCAL REGULADORA DO IMPOSTO SOBRE CONSTRUCCIÓNS, INSTALACIÓNS E OBRAS

Ao non presentarse reclamacións durante o prazo de exposición ao público, queda automaticamente elevado a definitivo o acordo plenario provisional do Concello de Paradelas do 29 de setembro de 2023 de modificación da Ordenanza fiscal reguladora do Imposto sobre Construcións, Instalacións e Obras.

O texto íntegro da modificación da devandita Ordenanza faise público en cumprimento do artigo 17.4 do Texto Refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo,

#### “ORDENANZA FISCAL REGULADORA DO IMPOSTO SOBRE CONSTRUCCIÓNS, INSTALACIÓNS E OBRAS

##### **Artigo 1. Fundamento e natureza.**

*De conformidade co establecido no art. 106 da Lei 7/1985, de 2 de abril e arts. 2.1.b, 15 a 19, 59.2 e 100 a 103 do Real Decreto Lexislativo 2/2004, de 5 de marzo, establece o imposto sobre construcións, instalacións e obras no Concello de Paradelas.*

**Artigo 2. Feito imponible.**

Constitúe o feito imponible de este tributo indirecto a realización, dentro do termo municipal, de calquera construción, instalación e obra para a que se esixa obtención da correspondente licencia de obras ou urbanística, téñase obtido ou non dita licencia, sempre que a súa expedición corresponda ó Concello de Paradela.

**Artigo 3. Obriga de contribuír.**

A obriga de contribuír nace dende o momento en que se inicie a construción, instalación ou obra, aínda cando non se teña obtido a correspondente licencia.

**Artigo 4. Suxeitos pasivos.**

1.- Son suxeitos pasivos e obrigados ao pago do imposto, a título de contribuíntes, as persoas físicas, persoas xurídicas ou entidades do art. 35.4 da Lei Xeral Tributaria, que sexan donos da construción, instalación ou obra, sexan ou non propietarios do inmovible sobre o que se realice aquela.

Para os efectos previstos no parágrafo anterior terá a consideración de dono da construción, instalación u obra quen soporte os gastos ou o custe que comporte a súa realización.

2.- Terán a condición de suxeitos pasivos substitutos do contribuínte quen solicite as correspondentes licencias ou realicen as construcións, instalacións ou obras.

**Artigo 5. Base imponible.**

A base imponible do imposto está constituída polo custe real e efectivo da construción, instalación u obra, entendéndose por tal, a estes efectos, o custe de execución material daquela.

Non forman parte da base imponible os conceptos a que se refire o art. 102 parágrafo segundo do R.D. Lexislativo 2/2004, de 5 de marzo (BOE nº 59, de 09/03/04), que non integren, estritamente, o custe de execución material.

**Artigo 6. Cota tributaria.**

A cota do imposto será o resultado de aplicar á base imponible o tipo de gravame.

O tipo de gravame será o seguinte:

- Construcións, instalacións ou obras cun custe de execución material ata 1.000.000,00 €: 2,50 %
- Construcións, instalacións ou obras cun custe de execución material a partir de 1.000.000,01 €: 3,50 %

**Artigo 7. Xestión tributaria do imposto.**

A esixencia do imposto realizarase en réxime de autoliquidación, que se practicará polo suxeito pasivo no momento de presentación da solicitude de licencia de obras ou urbanística na que figurará o custe de execución material da construción, instalación ou obra.

Non obstante, cando se conceda a licencia preceptiva ou cando, non tendo solicitado, concedido ou denegado aínda dita licencia preceptiva, se inicie a construción, instalación ou obra, practicarase unha liquidación provisional a conta, a determinación da base imponible realizarase en función do presuposto presentado polos interesados, sempre que houbera sido visado polo colexio oficial correspondente cando constitúa un requisito preceptivo.

Finalizada a construción, instalación u obra, e tendo en conta o custe real e efectivo, o Concello mediante a oportuna comprobación administrativa, modificará, no seu caso, a base imponible practicando a correspondente liquidación definitiva, esixindo do suxeito pasivo ou reintegrándolle, no seu caso, a cantidade que corresponda.

**Artigo 8. Bonificacións.**

Establécense as seguintes bonificacións sobre a cota do imposto:

- O 95% naquelas construcións, instalacións ou obras que sexan declaradas de especial interese ou utilidade municipal por concorrer circunstancias sociais, culturais ou de fomento do emprego que xustifiquen tal declaración.
- O 95% (o máximo legal permitido) a todas as empresas e industrias que se instalen o inicien a súa actividade no Polígono Industrial de Paradela, nun período de catro anos (a contar dende o 1 de xaneiro de 2024), do importe do imposto de construción da correspondente nave industrial. As empresas e industrias accederán á bonificación, previa solicitude da mesma e previa aceptación dun compromiso de mantemento da actividade por un período mínimo de 2 anos despois e finalizar a construción nun prazo máximo de 5 anos. O Concello será o encargado de velar polo cumprimento desde compromiso e reclamará a cantidade bonificada a aquelas empresas ou industrias que incumpriran as súas obrigas.

**Artigo 9. Infraccións e sancións.**

*En todo o relativo á cualificación de infraccións tributarias e sancións, estarase o que dispón o Título IV da Lei Xeral Tributaria e demais normas tributarias de aplicación..*

**Disposición Final.**

*A presente Ordenanza Fiscal entrará en vigor o día da súa publicación no Boletín Oficial da Provincia, permanecendo en vigor ata a súa modificación ou derogación"*

Contra o presente Acordo, conforme ao artigo 19 do Texto Refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, poderase interpor polo interesados recurso contencioso-administrativo, no prazo de dous meses contados a partir do día seguinte ao da publicación deste anuncio no Boletín Oficial da Provincia, ante o Tribunal Superior de Xustiza de Galicia.

Paradela, 21 de Decembro de 2023.- O Alcalde, José Manuel Mato Díaz.

R. 4009

---

**Anuncio****Aprobación definitiva Ordenanza reguladora para a concesión de axudas por nacemento ou adopción de menor**

O Pleno do Concello de Paradela en sesión ordinaria celebrada o 28.09.2023 aprobou inicialmente a ordenanza reguladora para a concesión de axudas por nacemento ou adopción de menor no Concello de Paradela.

Con data 07.10.2023 publicouse no Boletín Oficial da Provincia nº 231 anuncio da súa aprobación inicial e sométese a información pública por prazo de trinta días hábiles. Ao non presentarse reclamacións durante o prazo de exposición e información pública, queda automaticamente elevado a definitivo o acordo inicial adoptado.

Faise público o seu texto íntegro para o seu xeral coñecemento e en cumprimento do disposto nos artigos 49 e 70.2 da Lei 7/1985, de 2 de abril, reguladora das bases do réxime local e 56 do Real Decreto Lexislativo 781/1986, de 18 de abril, polo que se aproba o Texto Refundido de disposicións legais vixentes en materia de réxime local.

**“ORDENANZA REGULADORA DAS AXUDAS POR NACEMENTO OU ADOPCIÓN NO CONCELLO DE PARADELA.-**

**Art. 1.- Fundamento.-** *A presente Ordenanza ten o seu fundamento nas competencias que o art. 2 e o art. 23.1 da Lei 7/85, de 2 de abril, Reguladora das Bases de Réxime Local, outorga a este Concello. O artigo 25 da Lei 7/85, de 2 de abril, establece que os Concellos para a xestión dos seus intereses e no ámbito das súas competencias, poden promover toda clase de actividades e contribúan a satisfacer as necesidades e aspiracións da comunidade veciñal. O Concello considera de interese público o apoio as familias, circunscribíndose, dentro do mesmo o fomento da natalidade ou adopción. Este é o fundamento e o fin da presente ordenanza que pretende incentivar os novos nacementos de fillos de familias que residan no termo municipal.*

**Art. 2.- Obxecto.-** *O obxecto desta Ordenanza é a regulación do réxime xurídico do outorgamento de axudas para o fomento da natalidade e da adopción neste Concello, coa finalidade de axudar a fixar poboación dentro do termo municipal.*

**Art. 3.- Natureza da axuda.-** *As axudas que se outorguen conforme á presente ordenanza teñen a natureza de subvención directa conforme ao establecido no artigo 22.2.c) da Lei 38/2003, de 17 de novembro, Xeral de Subvencións e na Lei 9/2007, de 13 de xuño de subvencións de Galicia.*

**Art. 4.- Beneficiarios.-** *Serán beneficiarios das subvencións rexidas pola presente ordenanza: a) Os proxenitores, xa sexan casados, parellas de feito ou familias mono parentais, que vaian ter fillos.*

*b) Os adoptantes de nenos menores de 18 anos.*

*Nos supostos de nulidade, separación ou divorcio dos proxenitores, será beneficiario o proxenitor que teña a custodia do fillo/a.*

**Art. 5.- Requisitos para a concesión da subvención.-** *Dará lugar ao recoñecemento da axuda, cada nacemento que teña lugar ou cada adopción que se formalice por los beneficiarios sinalados no artigo anterior a partir de 1 de xaneiro de 2024.*

*Para elo será requisito imprescindible, que residan no Concello con carácter efectivo e acreditados neste Concello polo menos dous anos de antigüidade un dos proxenitores, ou adoptantes, no caso de casados ou*